



**Broj: 02-50-1-16-35/09**

**Sarajevo: 16. 9. 2009.**

**BOSNA I HERCEGOVINA**  
**PARLAMENTARNA SKUPŠTINA**  
**PREDSTAVNIČKI DOM**

**PREDMET: Obavještenje sa 35. sjednice Doma naroda Parlamentarne skupštine BiH**

Dom naroda Parlamentarne skupštine BiH je na 35. sjednici, održanoj 15. 9. 2009., razmatrao sljedeće tačke dnevnog reda:

1. Prijedlog zakona o izmjenama i dopunama Zakona o osiguranju depozita u bankama BiH (drugo čitanje), predlagač: Vijeće ministara BiH;
2. Prijedlog zakona o izmjenama i dopunama Zakona o osnovama sigurnosti saobraćaja na putevima u BiH (drugo čitanje), predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku;
3. Prijedlog zakona o izmjenama i dopunama Zakona o imunitetu BiH (drugo čitanje), predlagač: Vijeće ministara BiH;
4. Prijedlog zakona o upotrebi znakovnog jezika u BiH (drugo čitanje), predlagač: Predstavnički dom;
5. Prijedlog zakona o izmjenama i dopunama Zakona o plaćama i naknadama u institucijama BiH (drugo čitanje), predlagač: Vijeće ministara BiH;
6. Prijedlog zakona o slobodnim zonama u BiH (prvo čitanje), predlagač: Vijeće ministara BiH;
7. Prijedlog zakona o primjeni Rimskog statuta Međunarodnog krivičnog suda i saradnji s Međunarodnim krivičnim sudom (prvo čitanje), predlagač: Vijeće ministara BiH;
8. Prijedlog zakona o izmjenama i dopunama Zakona o Pravobranilaštvu BiH (prvo čitanje), predlagač: Vijeće ministara BiH;
9. Prijedlog zakona o izmjenama i dopunama Zakona o sportu u BiH (prvo čitanje), predlagač: Predstavnički dom;

10. Prijedlog zaključka o osnivanju Privremene komisije oba doma Parlamentarne skupštine BiH za izvršenje obaveza iz člana 41. a. Zakona o izmjenama i dopunama Zakona BiH o izvršenju krivičnih sankcija, pritvora i drugih mjera („Službeni glasnik BiH“, br. 37/09), prijedlog Zajedničkog kolegija oba doma.

#### **Ad. 1.**

Dom naroda **usvojio je** Zakon o izmjenama i dopunama Zakona o osiguranju depozita u bankama BiH u identičnom tekstu kao i Predstavnički dom.

#### **Ad. 2.**

Dom naroda **usvojio je** Zakon o izmjenama i dopunama Zakona o osnovama sigurnosti saobraćaja na putevima u BiH sa sljedećim amandmanima:

#### **Amandman I.**

U članu 2. vrše se sljedeće izmjene:

- u stavu (1) riječi: „za vozilo“ zamjenjuju se riječima: „za sjedište“.
- u stavu (2) riječi: „za vozilo“ zamjenjuju se riječima: „za sjedište“.
- stav (3) mijenja se i glasi:

„(3) Vozač u putničkom automobilu smije prevoziti dijete starije od pet a mlađe od 12 godina na zadnjem sjedištu samo kada dijete sjedi na posebnom podmetaču prilagođenom njegovoj visini koji omogućava upotrebu sigurnosnog pojasa i kada je ispravno vezano sigurnosnim pojasom, ili je ispravno vezano u sigurnosnoj sjedalici koja je za sjedište pričvršćena pomoću sigurnosnog pojasa u tri tačke vezivanja ili posebnim kopčama u vozilu“.

- stav (4) briše se.

#### **Amandman II.**

U članu 3. riječi: „14 godina“ zamjenjuju se riječima: „12 godina“.

#### **Amandman III.**

Nakon člana 5. dodaje se novi član 6. koji glasi:

(1) Ovaj zakon stupa na snagu osam dana od dana objavljivanja u “Službenom glasniku BiH”.

(2) Ovaj zakon bit će objavljen i u službenim glasilima entiteta i Brčko Distrikta Bosne i Hercegovine.

Budući da je Zakon usvojen u različitom tekstu u odnosu na tekst usvojen u Predstavničkom domu, Dom naroda formirao je Komisiju za usaglašavanje teksta Zakona. Za članove Komisije iz Doma naroda **imenovani su: mr. Alma Čolo, Branko Zrno i Slobodan Šaraba.**

#### **Ad. 3.**

Dom naroda **usvojio je** Zakon o izmjenama i dopunama Zakona o imunitetu BiH u identičnom tekstu kao i Predstavnički dom.

#### **Ad. 4.**

Dom naroda **usvojio je** Zakon o upotrebi znakovnog jezika u BiH čiji je predlagač Predstavnički dom.

#### **Ad. 5.**

Dom naroda **usvojio je** Zakon o o izmjenama i dopunama Zakona o plaćama i naknadama u institucijama BiH u identičnom tekstu kao i Predstavnički dom.

#### **Ad . 6.**

Dom naroda **usvojio je Prijedlog** zakona o slobodnim zonama u BiH u prvom čitanju sa sljedećim zaključcima:

1. “S obzirom da Predstavnički dom Parlamentarne skupštine BiH još nije završio proceduru usvajanja Prijedloga zakona o slobodnim zonama u BiH, produžava se amandmanska faza za ovaj prijedlog zakona do 48 sati prije održavanja sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH na kojoj će biti razmatran”.
2. “U daljnjoj proceduri Prijedloga zakona o slobodnim zonama u Bosni i Hercegovini, Dom naroda Parlamentarne skupštine BiH treba osigurati mišljenje Upravnog odbora Uprave za indirektno oporezivanje”.

**Ad. 7.**

Dom naroda **usvojio je** Prijedlog zakona o primjeni Rimskog statuta Međunarodnog krivičnog suda i saradnji s Međunarodnim krivičnim sudom u prvom čitanju.

**Ad. 8.**

Dom naroda **usvojio je** Prijedlog zakona o izmjenama i dopunama Zakona o Pravobranilaštvu BiH u prvom čitanju.

**Ad. 9.**

Dom naroda **usvojio je** Prijedlog zakona o izmjenama i dopunama Zakona o sportu u BiH u prvom čitanju.

**Ad. 10.**

Dom naroda usvojio je zaključak Zajedničkog kolegija oba doma o osnivanju Privremene komisije oba doma Parlamentarne skupštine BiH za izvršenje obaveza iz člana. 41a. Zakona o izmjenama i dopunama Zakona BiH o izvršenju krivičnih sankcija, pritvora i drugih mjera te u Privremenu komisiju oba doma Parlamentarne skupštine Bosne i Hercegovine **imenovao mr. Almu Čolo, Ivu Miru Jovića i Zorana Koprivicu.**

S poštovanjem,

**PREDSJEDAVAJUĆI  
DOMA NARODA**

Ilija Filipović, dipl. iur.